

ВЕЛІКАЯ РОЖДЕСТВЕНСКАЯ ВЕЧЕРНЯ.

По окончании 9 часа священник возглашает:

Иерей: Благословен Бог наш всегда, ныне и присно, и во веки веков.

Хор: АМИНЬ.

Священнослужители в алтаре:

Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

Приидите, поклонимся и припадём Ему.

ПСАЛОМ 103:

Чтец: Благослови, душе моя, Господа; Господи, Боже мой, возвеличился еси зело, во исповедание и в велиелепоту облелся еси. Одейся светом, яко ризою, простираяя небо, яко кожу. Покрываяя водами превыспренняя Своя, полагаяя облаки на восхождение Свое, ходяй на крилу ветреню. Творяй Ангелы Своя духи, и слуги Своя пламень огненный. Основаяя землю на тверди ея, не преклонится в век века. Бездна, яко риза, одеяние ея, на горах станут воды. От запрещенія Твоего побегнут, от гласа грома Твоего убоятся. Восходят горы, и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяя источники в дебрех, посреде гор прйдут воды. Напаяют вся звери сельныя, ждут онагри в жажду свою. На тых птицы небесныя привитают, от среды камня дадут глас. Напаяяя горы от превыспренних Своих, от плода дел Твоих насытится земля. Прозябаяя траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокая еленем, камень прибежище заяцем. Сотворил есть луну во времена, солнце позна запад свой. Положил еси тму, и бысть ночь, в нейже прйдут вси зверие дубравнии; скимни рыкающи, восхитити и взыскати от Бога пищу себе. Возсия солнце, и собращася, и в ложах своих лягут. Изыдет человек на дело свое, и на делание свое до вечера. Яко возвеличишася дела Твоя, Господи, вся премудростию сотворил еси: исполнися земля твари Твоея. Сие море великое и пространное, тамо гади, ихже несть числа, животная малая с великими. Тамо корабли преплавают, змий сей, егже создал еси ругатися ему. Вся к Тебе чают, дати пищу им во благо время. Давшу Тебе им, соберут; отверзшу Тебе руку, всяческая исполнятся благи. Отвращшу же Тебе лице, возмьются: отымеши дух их, и исчезнут, и в персть свою возвратятся. Послеши Духа

Твоего, и созиждутся, и обновishi лице земли. Буди слава Господня во веки, возвеселится Господь о делах Своих. Призираяй на землю, и творяй ю трястися; прикасайся горам, и дымятся. Воспою Господеви в животе моем, пою Богу моему, дондеже есмь. Да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им; благослови, душе моя, Господа.

Солнце позна запад свой; положил еси тму, и бысть ночь.

Яко возвеличишася дела Твоя, Господи, вся премудростию сотворил еси

Слава Отцу и Сыну и Святому Духу, и ныне и присно и во веки веков. **А**минь.

Аллилуиа, аллилуиа, аллилуиа, слава Тебе Боже. *(Трижды)*

ВЕЛИКАЯ ЕКТЕНИЯ:

Диакон: Мiром Господу помолимся.

Хор: Господи, помилуй.

Диакон: **О** Свiшнем мире и спасении душ наших, Господу помолимся.

О мире всего мира, благостоянии Святых Божиих Церквей и соединении всех, Господу помолимся.

О святем храме сем и с верою, благоговением и страхом Божиим входящих во нь, Господу помолимся.

О великом Господине и Отце нашем Святейшем Патриархе **Кирилле**, и о Господине нашем, Высокопреосвященнейшем митрополите *(или: архиепископе, или: преосвященнейшем епископе **имярек**)*, честнем пресвитерстве, во Христе диаконстве, о всем причте и людех, Господу помолимся.

О Богохранимей стране нашей, властех и воинстве ея, Господу помолимся.

О граде сем *(или о веси сей)*, всяком граде, стране и верою живущих в них, Господу помолимся.

О благорастворении воздушов, о изобилии плодов земных и временах мирных, Господу помолимся.

О плавающих, путешествующих, недугующих, страждущих, плененных и о спасении их. Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко подобает Тебе всякая слава честь и поклонение, Отцу и Сыну и Святому Духу, ныне и присно и во веки веков.

Хор: Аминь.

Господи, воззвах, ГЛАС 2:

Хор: Господи, воззвах к Тебе, услыши мя./ Услыши мя, Господи./ Господи, воззвах к Тебе, услыши мя:/ вонми гласу моления моего,/ внемди воззвати ми к Тебе.// Услыши мя, Господи.

Да исправится молитва моя,/ яко кадило пред Тобою,/ воздеяние руку мою/ – жертва вечерняя.// Услыши мя, Господи.

Стихиры Праздника, глас 2:

На 6. Стих: **Аще беззакония на́зриши, Гóсподи, Гóсподи, кто посто́йт?// Я́ко у Тебе́ очище́ние е́сть.**

Стихира: Приидите, возрадуемся Гóсподеви, настоящую та́йну сказу́юще: средосте́ние граде́жа разруши́ся, пла́менное ору́жие плещи́ дае́т, и Херуви́м отступа́ет от дре́ва жи́зни, и аз ра́йския пи́щи причаща́юся, от него́же произгна́н бых преслуша́ния ра́ди; неизме́нный бо о́браз Оте́чь, о́браз присносу́щия Егó, зрак раба́ прие́млет, от Неискусобра́чныя Ма́тере проше́д, не преложение́ претерпе́в, е́же бо бе пребы́сть, Бог Сый и́стинен, и е́же не бе прия́т, Чело́век быв чело́веколю́бия ра́ди. Тому́ возопи́м: рожде́йся от Де́вы Бо́же, поми́луй нас.

Стих: **Имене́ ра́ди Твоего́ потерпе́х Тя, Гóсподи, потерпе́ душа́ моя́ в сло́во Твое́, упова́ душа́ моя́ на Гóспода.**

Стихира: Гóсподу Иису́су рождшуся от Святы́я Де́вы, просвети́шася вся́ческая: па́стырем бо свиря́ющим и волхво́м покланя́ющимся, А́нгелом воспева́ющим, И́род мятя́шеся, я́ко Бог во плóти яви́ся, Спас душ на́ших.

На 4. Стих: **От стра́жи у́тренния до но́щи, от стра́жи у́тренния,// да упова́ет Изра́иль на Гóспода.**

Стихира: Ца́рство Твое́, Христé Бо́же, Ца́рство всех веко́в, и Влады́чество Твое́ во вся́ком ро́де и ро́де, воплоти́выйся от Ду́ха Свята́го и от Присноде́вы Мари́и вочелове́чивыйся, свет нам возсия́, Христé Бо́же, Твое́ пришéствие; Свет от Свéта, О́тчее сия́ние, всю тварь просвети́л еси́, вся́кое дыха́ние хва́лит Тя. О́браз сла́вы О́тчия, Сый, и прэ́жде Сый, и возсия́вый от Де́вы, Бо́же, поми́луй нас.

Стихиры Богоотцов, глас 1, подббен: «Небесных чинóв...»:

Стих: **Я́ко у Гóспода ми́лость, и мно́гое у Него́ избавле́ние,// и Той изба́вит Изра́иля от всех беззакóний егó.**

Стихира: Богоотца́ вси восхва́лим, Дави́да царя́,/ из него́ бо прóйде жезл – Де́ва./ И из Нея́ возсия́ цвет – Христóс,/ и Ада́ма со Ёво́ю от тли воззва́,// я́ко Благоутрóбен.

На 2. Стих: **Хвалите́ Гóспода вси язы́цы,// похвалите́ Егó вси лю́дие.**

Стихира: Проро́ческая прорече́ния ви́де в ста́рости/ я́ве Ио́сиф Обру́чник,/ проявле́нно исполня́емая,/ обру́чение вои́стинну стра́нное,/ открове́ние А́нгелы прие́м,/ Бо́гу сла́ва, - вопию́щих,// - на зéмлю мир низпосла́вшему.

Стих: **Я́ко утверди́ся ми́лость Егó на нас,// и и́стина Господня́ пребыва́ет во век.**

Стихира: Брата Божия вси восхвалим,/ яко святителя суща,/ мучением же паки просиявша доблественне./ Егоже молитвами, Иисусе Боже наш,/ в вертепе и в пеленях повивыйся, // спаси вся, поющая Тя.

Глас 6:

Слава Отцу и Сыну и Святому Духу.

Стихира: Память совершаем Давида и Иакова благочестивых,/ царя пророка и апостола, первого епископа:/ тех бо учеными лести избавльшеся,/ Христа славословим, от Девы возсиявшего и воплощагося, // еже спасти души наша.

Глас 2:

И ныне и присно и во веки веков. Аминь.

Хор: Слава в Вышних Богу,/ и на земли мир,/ днесь восприимлет Вифлеем Седящего присно со Отцем,/ днесь Ангели Младенца рожденного боголепно славословят:/ слава в Вышних Богу,/ и на земли мир, // в человецех благоволение.

Вход с кадильцом:

Диакон: Премудрость, прости.

Свете Тихий:

Хор: Свете Тихий святія славы Безсмертнаго Отца Небеснаго, Святаго, Блаженнаго, Иисусе Христэ! Пришедше на запад солнца, видевше свет вечерний, поем Отца, Сына и Святаго Духа, Бога. Достойн еси во вся времена пет быти гласы преподобными, Сыне Божий, живот дай; темже мир Тя славит.

Диакон: Вонмем.

Иерей: Мир всем.

Хор: И духови твоему.

Диакон: Премудрость вонмем. Прокимен Великий:

Кто Бог велий, яко Бог наш?/ Ты еси Бог, творяй чудеса.

Хор: Кто Бог велий, яко Бог наш?/ Ты еси Бог, творяй чудеса.

Диакон: Сказал еси в людех силу Твою

Хор: Кто Бог велий, яко Бог наш?/ Ты еси Бог, творяй чудеса. *(На каждый стих).*

Стих 2. И рех: ныне начах, сия измена десницы Вышняго.

Стих 3. Помянух дела Господня, яко помяну от начала чудеса Твоя.

Диакон: Кто Бог велий, яко Бог наш?

Хор: Ты еси Бог, творяй чудеса.

Ектения сугубая:

Диакон: Рцем вси от всея души, и от всего помышления нашего рцем.

Хор: Гóсподи, помíлуй.

Диáкон: Гóсподи Вседержителю, Бóже отéц нáших, мóлим Ти ся, услýши и помíлуй.

Хор: Гóсподи, помíлуй.

Диáкон: Помíлуй нас, Бóже, по велицей мíлости Твоей, мóлим Ти ся, услýши и помíлуй.

Хор: Гóсподи, помíлуй. *(Трíжды, на каждое прошение)*

Диáкон: Ещé мóлимся о Великом Господíне и Отцé нáшем Святéйшем Патриáрхе **Кири́лле**, и о Господíне нáшем Высокопреосвященнейшем митрополíte *(или: архиепíскопе, или: преосвященнейшем епíскопе **имярек**)*, и всей во Христé брáтии нáшей.

Ещé мóлимся о Богохранímей странé нáшей, властéх и во́инстве ея́, да тíхое и безмóльное житиé поживéм во всяком благочéстии и чистотé.

Ещé мóлимся о блаженных и приснопáмятных создáтелей святáго хра́ма сегó, и о всех преждепочíвших отцéх и брáтиях, zde лежáщих и повсю́ду, правослáвных.

Ещé мóлимся о мíлости, жízни, мíре, здрáвии, спасéнии, посещéнии, прощéнии и оставлéнии грехóв рабóв Бóжиих настоя́теля, брáтии и прихóжан святáго хра́ма сегó.

Ещé мóлимся о плодоносящих и добродéющих во святém и всечестнém хра́ме сем, тружда́ющихся, пою́щих и предстоящих лю́дех, ожида́ющих от Тебé великия и богáтыя мíлости.

Иерéй: **Яко Мíлостив и Человеколю́бец Бог еси́, и Тебé сла́ву возсыла́ем, Отцú и Сы́ну и Святóму Дúху, ны́не и прíсно и во ве́ки веко́в.**

Хор: **Ами́нь.**

Сподóби, Гóсподи:

Хор: **Сподóби, Гóсподи, в вéчер сей без грехá сохранítися нам. Благословéн еси́, Гóсподи, Бóже отéц нáших, и хвáльно и прослáвлено íмя Твое́ во ве́ки. Ами́нь.**

Бúди, Гóсподи, мíлость Твоя́ на нас, я́коже упováхом на Тя. Благословéн еси́, Гóсподи, научí мя оправдáнием Твоím. Благословéн еси́, Влады́ко, вразумí мя оправдáнием Твоím. Благословéн еси́, Святый, просветí мя оправдáнии Твоими́.

Гóсподи, мíлость Твоя́ во век, дел руку́ Твоею́ не прéзри. Тебé подобáет хвалá, Тебé подобáет пéние, Тебé сла́ва подобáет. Отцú и Сы́ну и Святóму Дúху, ны́не и прíсно и во ве́ки веко́в. Ами́нь.

ЕКТЕНИЯ ПРОСИТЕЛЬНАЯ:

Диáкон: **Испóлним вечернюю молítву нáшу Гóсподеви.**

Хор: **Гóсподи, помíлуй.**

Диáкон: **Заступí, спасí, помíлуй и сохрани́ нас, Бóже, Твоею́ благодáтию.**

Хор: **Гóсподи, помíлуй.**

Диáкон: **Вéчера всегó совершенна, свyта, мíрна и безгрéшна у Гóспода прóсим.**

Хор: **Подáй, Гóсподи. *(На каждое прошение)***

Диáкон: **А́нгела мíрна, вёрна наста́вника, хранítеля душ и телéс нáших, у Гóспода прóсим.**

Прощéния и оставлéния грехóв и прегрешéний нáших у Гóспода прóсим.

Дóбрых и полéзных душáм нáшим и мíра мíрови у Гóспода прóсим.

Прóчее врéмя животá нáшего в мíре и покая́нии скончáти у Гóспода прóсим.

Христíанския кончíны животá нáшего, безболéзнены, непосты́дны, мíрны и дóбраго отвéта на Стрáшнем Судíщи Христóве прóсим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе, и друг друга, и весь живот наш Христу Богу предадим.

Хор: Тебѣ, Господи.

Иерей: Яко Благ и Человеколюбец Бог еси, и Тебѣ славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Иерей: Мир всем.

Хор: И духови твоему.

Диакон: Главы наша Господеви приклоним.

Хор: Тебѣ, Господи.

Иерей: Буди держава Царствия Твоего благословена и препрославлена. Отца и Сына и Святого Духа, ныне и присно и во веки веков.

Хор: Аминь.

СТИХИРЫ НА СТИХОВНЕ:

Стихиры Праздника, глас 8:

Стихира: Преславное таинство устрояется днесь, обновляется естество, и Бог Человек бывает, еже бе пребысть, и еже не бе прият, ни смешения претерпев, ниже разделения.

Стих 1: Из чрева прежде денницы роди́х Тя, кля́тся Господь и не раска́ется.

Стихира: Господи, в Вифле́ем прише́д, в верте́п всели́лся еси́, Не́бо престо́л имѣя, в яслех положи́лся еси́, Егоче во́инства окружа́ют А́нгел, па́стырем снизше́л еси́, да спасе́ши, яко Милосе́рд, род наш, сла́ва Тебе́.

Стих 2: Рече́ Господь Господеви моему́: се́ди одесну́ю Мене́.

Стихира: Ка́ко изрекú вели́кое таинство? Безплóтный воплоща́ется, Сло́во одебелева́ет, Невидимый ви́дится, и Неосяза́емый осяза́ется, и Безнача́льный начина́ется. Сын Бóжий Сын Челове́чь бывает, Иису́с Христо́с вчера́ и днесь, То́йже и во ве́ки.

Стихира Богоотцов, глас 6:

Сла́ва Отцу́ и Сыну́ и Свято́му Духу.

Священных па́мь, и царей держа́ва,/ и веселие бысть Рождество́ Твое́,/ и в нем, хва́лящися, глаго́лем:/ О́тче наш, И́же еси́ на Небесе́х,// да святит́ся И́мя Твое́, Человеколю́бче.

Стихира Праздника, глас 8:

И ны́не и присно́ и во ве́ки веко́в. Аминь.

В Вифле́ем стекóшася па́стырие, и́стиннаго возвеща́юще Па́стыря, се́дящаго на Херувимех и возлежа́щаго в яслех Младенца́ зрак воспри́ймша нас ра́ди, Господи, сла́ва Тебе́.

МОЛИТВА СВЯТАГО СИМЕОНА БОГОПРИЙМЦА:

Хор: Ныне отпускаеши раба Твоего, Владыко, / по глаголу Твоему, с миром; / яко видеста очи мой спасение Твое, / еже еси уготовал пред лицем всех людей, / свет во откровение языков, // и славу людей Твоих Израиля.

Чтец: **Трисвято́е.** Пресвятая Троице... **О́тче** наш...

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Хор: **Ами́нь.**

ТРОПА́РЬ БОГООТЦОВ, ГЛАС 2:

Хор: Благовествуй, Иосифе, Давиду чудеса, Богоотцу: / Деву видел еси рождшую, / с пастыри славословил еси, / с волхвы поклонился еси, / Ангелом весть прием. // Моли Христа Бога спасти души наша.

ТРОПА́РЬ РОЖДЕСТВА ХРИСТОВА, ГЛАС 4:

Хор: Рождество Твое, Христэ Бже наш, / возсия миру свет разума, / в нем бо звездам служащий / звездою учахуся / Тебе кланяться, Солнцу Правды, / и Тебе ведети с высоты востока. // Господи, слава Тебе.

Диакон: Премудрость.

Хор: **Благослови́.**

Иерей: Сый благословен Христос Бог наш, всегда, ныне и присно и во веки веков.

Хор: **Ами́нь.** Утверди, Бже, святую православную веру, православных христиан во век века.

Иерей: Пресвятая Богородице, спаси нас.

Хор: Честнейшую Херувим и Славнейшую без сравнения Серафим, без исления Бога Слова рождшую, сущую Богородицу, Тя величаем.

Иерей: Слава Тебе, Христэ Бже, Упование наше, слава Тебе.

Хор: Слава, и ныне. Господи, помилуй. *(Трижды)* **Благослови́.**

Иерей произносит отпуст.

МНОГОЛÉТИЕ:

Хор: Великаго Господина и Отца нашего **Кири́лла**, / Святейшаго Патриарха Московского и всея Руси, / и Господина нашего *(Высоко-)* Преосвященнейшаго *(имярек)*, / *(архи-)*епископа *(митрополита (титул))*, / богохранимую страну нашу Российскую, / настоятеля, братию и прихожан святаго храма сего / и вся православныя христианы, // Господи, сохрани их на многая лета.